

Партийн гүн сургъмджин төлө

Партийн сургъулин шин джил, Советск олн келн-ämtн Алдр Октябрьск социалистическ революц болад 40 джил болсн өөниг үзмджтэгъяр, политическ болн производственн өргмджтэ, социалистическ дөрлдэг делгрүлдж, килмджтэ кōдлмшярн белг өгч тосджах цагт эклджәнэ.

Коммунистнр сургъулин түрүн өдрмүдтән, тер 40 джилн эргцд советск олн келн-ämtн Коммунистическ партин болн Советск правительствин гардвр-зааврар, эн ахр цагт ямаран ик диилвр күцдж, урд аграрн ард хоцрдж йовсн Арәсәг, күчтэ гидг техническ өслттэ орн-нутг кедж, газдин байн гисн орн-нутгудиг кōөдж күцәд, нам зәрмәсннь давсна туск туудж дасджацхана.

Элстин межсовхозн мастерскойин болн тосклтин 2-ч управленә эклц партийн организацсин КПСС-н туудж даслгъна кружокд ордг коммунистнр октябрин нег шинд цуглрцхав.

Занять эклв. Лекторнь, Хальмг таньгъчин политическ болн научн медрл тархалгъна обществин бүрдәлгънә комитетин даалгъврта сегләтр Л.

Кирсанов, сонъсачнрта таньлдчкад, цааранднь ямаран кевәр, альк өдр цуглрх төр тәвснд, сард гурв хурх болдж күүндцхäv.

Кружок гардач үр Кирсанов түрүн занятдән КПСС-н ЦК-н пропагандин болн агитацин Отделин, КПСС-н ЦК-д бәädг марксизм-ленинизмин Институтин тезисмүд цәälгъдж өгв. Эрст өлгәтә картар, зүсн зүүл бәärн газрин үлгүрмүд орулдж, художественн болн политическ дегтрмүдәс иштәгъяр, цугтаднь медгдм амр келәр лектор келдж өгв. Америкин прессин корреспондент, коммунист Джонн Ридин бичсн, „Орчлнь дәävлүлсн 10 хонг“ гидг дегтрәс кесг олн революционн зургуд болн революционермүдин келсн үг, тер цагг гарч бәәсн газетсин барлсн „Төвкнүн бәәх йосн“, „Газрин туск йосн“ гидг Ленинә бичсн тоотиг үр Кирсанов тодрха гидгәр келв.

Сонъсачнрт түрүн занять йир сәәнәр таасгдв. Эдн кесг эс медгдсн тоотан лекторас сурад меддж авцхав.

Түрүн занятие хойр час болад чилсн бийнь, әмтс арднь кесгтән күүндвр кецхäv.

БЕМБИН Тимофей.